

中國方志叢書·華南地方·第二二六號

據

清 清

代 鄭

祖

刊 庚

纂

本 修

影印

福建省

閩縣鄉土志

1982.5



成文出版社有限公司印行



10098554

中華民國六十三年六月臺一版

閩縣鄉土志

全二冊

發行人：**黃成助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

舊廣錄

事功下

國朝

循吏 王時熙

順治四年知廣東長樂縣承兵荒後招集流亡俾之耕作
更修葺城垣剪又寇賊民賴以安

忠節 陳丹赤 子一變曾孫登龍

字獻之順治中以舉人權知四川夔州府時張獻忠初滅
蜀東尚爲十三家巢穴征師四集丹赤外籌糧餉內勤撫

卹蜀平海擢浙江溫處道入 覲中途瀕變作 詔述職

官皆還守丹赤至東昌聞閩藩

耿精忠

亦反方食投箸起曰

溫州接壤閩省必首受其禍苟有失全浙不可支矣兼程
歸守然城中文武已皆懷異志總兵祖宏勳尤欲脅之降
丹赤不爲屈死於亂刃 贈通政使諡忠毅子一夔以蔭
敷歷內外卒官浙江糧儲道祀名宦其知湖州府時逢

仁廟南巡迎 駕杭州 御書名垂青史匾字以 賜曰

爾父盡節此所以表也曾孫登龍少孤力學乾隆時由大
挑令歷知四川天全雅安二州擢建昌同知多循績其任

裏塘糧務也尤有惠政蠻民祠而祀之旋歸老

循吏邵伯蔭

字子南順治壬辰進士榜名伯允授陝西高陵令剔奸暴
釋疑犯以廉明著適渭南涇陽令缺員二邑民耳蔭名赴
撫轅爭請攝篆陝撫以渭南先請許之尋權藍田皆有惠
政以罍誤歸耿變逼授逆職抗節不就陽爲風癱以免家
居三十年足跡不入公庭士大夫咸重其風概焉

循吏李鍾廣

字恢先海氛久熾歲饑日必度江踰嶺八十里外負米奉

親以舉人任將樂縣教諭值耿亂佯瞽兩眼棄官懷印遁
深山中 王師定閩以拒逆擢禹城令興利除弊旱不爲
災蝗不入境舊例販私鹽者律斬有司捕獲十人以上遷
秩廣捕十八人吏屬皆賀廣曰吾未廉其實奈何以十八
人之命博一官乎訊再三私販僅三四人餘皆逆旅悉出
之

循吏 官于宣

字仲甫順治間以進士歷官知州所至清釐詞訟抑強扶
弱皆以吏才著民戴之若父母焉

循吏 李文麟

字天閣以舉人知山東霑化縣俗悍多盜乃創立保伍督緝之法終任盜賊無敢犯者會歲飢分設粥廠於四郊躬行散給老弱不遺全活者衆官終兵部郎中

名將 陳子威 叔君翼

字其畏諸生康熙十七年海上多事子威與叔君翼獻策軍門欲聯漁艘斷聲援撫軍吳興祚善其議給劄招募鄉勇澳民三千名建聯絡營歷著戰功興祚上其事授南韶道遷涼莊郎襄叅政致仕君翼貢生陣擒鄭氏都督章元

勳追殺王亮所向有功卒於軍子瀛金華通判

名林從時

慷慨好義孝於事親康熙辛卯武舉授把總於五縣寨響鼓山擒獲山寇薛彥文有功又隨軍蕩平臺灣南路緝獲餘孽杜君英旋遷襄陽鎮總兵

循吏翼其裕

子嶸孫一發曾孫景瀚孫易圖族子文齡衡齡文齡子暖中

字溶溪由通判權知江西瑞州府值耿逆叛隨大軍爲鄉導復上高新昌二縣以功授吉安守府城未復大師駐螺山坡累年其裕籌給軍需有方民不苦兵及城復撫存瘞

亡不遺餘力兩府皆祀名宦子嶸字岱生知餘杭縣百廢具舉有某生以奸殺其僕坎埋之故截其足指投路示遭虎咬者嶸推勘得實論如律擢保定知府直屬三木嚴酷多畏刑誣服力請更之轉江西饒九道尤多善政凡歷官四十年歸囊橐蕭然孫一發字厚齋八歲孤母林氏教之嚴稍長慕范仲淹爲人以舉人分發河南試宜陽有某甲妻歸寧不返疑其家嫁之訟於庭以歸寧時同行者一人爲證一發謂匿妻者卽其人一訊而伏民驚爲神再試密縣去之日有以醢酒三受杖者亦持杯酒送出境一發曰

汝不怨我耶泣曰小人早失父母無教訓自受懲創得爲良民是再生我也授林縣日有兄弟爭產累年不決者謂之曰汝兄弟資幾何用幾何默不應知其有愧心也因責之曰小人無賴利汝爭陰以取利汝試計訟後遊客訟師耗費若干設以此誣兄弟事早解矣皆伏地哭請無竟其事其他善政率類此以久俸遷雲南鎮南州卒官曾孫景瀚字海峰以進士授甘肅靖遠縣判牘如流見者不知其初任以西北重在水利先後鑿渠溉田殆數十萬畝邑有深谷爲妖物所憑常興雹害民稼禱於神一夜風雨有聲

近村地皆震裂居民謂妖已遠徙尋調平涼權固原州其
有惠於民如治靖遠時遂舉卓異擢陝西邠州嘉慶元年
湖北教匪倡亂總督宜綏奉命視師以景瀚從參預幕
府力疾治事以功叙知府然勞師日久賊仍熾因建堅壁
清野議

文詳通志

奉

旨飭行卒用蕩平且

命載之

皇清

文穎補蘭州府入

親未出京卒裔孫易圖字藹人由庶

吉士改知縣隨河南督師毛昶熙剿捻匪有功巡撫閻敬
銘尤重之以知府舉賢良第一歷官廣東布政使其官山
東時請於巡撫丁寶楨以其裕至景瀚奏乞付國史館

撰四世循良傳奉 旨俞允海內榮之其裕族子侯官進士文齡官侍郎進士衡齡官陝守皆清介著績文齡子履中以編修改官御史有直聲

忠節

蔣子龍

林彥李松陳鴻猷李捷高圖中璽

官臺灣千總從歐陽凱破朱一貴於春牛埔明日再戰偕把總林彥陷陣死李松南澳把總與林爽文戰於三坎店陣亡陳鴻猷臺灣千總爽文稱爲割不能斷之藤藤陳晉近旋以力疾戰死李捷高閩安外委剿海盜朱渥覆舟死圖中璽臺灣都司與蔡牽戰馬陷泥棄馬衝敵死尸不仆賊醢

之

循吏 鄭善述 子方城方坤

字孚世明文苑邦祥孫也以舉人除固安令邑中旗民雜處强者凌弱述繩以法不恕永定河工椿葦輒取給於民述調度有方民不病以失出鑄級歸流寓建甯閉戶却掃以文酒自娛著有敬修堂集長子方城季子方坤均以建安籍成進士城宰新繁坤歷官兗沂道皆兼文章政事坤著作尤多云

循吏 施霖

字能繼知山東平原縣改甘肅西寧持正不阿或勸其貶節曰吾惟知理之是非常否不爲威屈也擢主事以疾告歸家貧篤友愛爰授徒自給

循吏 鄭金章

字若敏篤學勵操由進士授梓潼令再補河內鄰邑河決水勢彌漫奔潰章夙夜露立河堤率工築護旬餘隄堅法汲黯發賑災黎而後報聞全活甚衆卒以此罷歸當事重其品學延主黿峰性耿介雖饘粥或不繼而傲骨凜然人遺之金弗受也年八十五卒

循吏何瀚

字君濟有至性少卽以孝聞康熙中領鄉薦雍正間宰從
化清廉有政聲嘗禱雨烈日中甘霖倏至蠲除弊政一邑
號神君旋調電白查墾不苛甲寅高州颶災各屬田舍俱
壞電邑獨風日晴和懸苦潮患瀚在官兩載潮不爲患以
耿直不容於時改崇安教諭

循吏張應渭

籍福清以會試明通榜授尤溪教諭邑爲紫陽鍾英地教
人一以白鹿洞學規爲法再調鳳山日與士子講明大義

秩滿擢知武鄉縣吏進例金力却之俗多告訐民苦於株連守候渭遇案立剖徵糧行滾單法先期清查順莊挨滾吏民便之遷霑化調高密僧智朗不法刑之重濬泊脈湖周七十餘里墾良田千餘頃民利以溥數年乞歸卒年六十三

名
臣 周詔龍

字允乾少穎敏以文學名雍正間選庶吉士四川有清丈之舉紹龍承命使蜀蓋自獻賊亂後數十年其糧課以久荒缺額乃設自首法親覆丈之課有加而民不病以績

最授編修尋改御史巡按山右任滿晉撫請留一年遷右
通政積勞以疾上聞 命巡撫覓醫調治丁生母艱 特
旨慰留苦請終制則懸缺待之皆異數也服闋晉順天府
丞卒官

循吏 陳霖

字德侯以進士授主事改知直隸故城縣時久旱不雨下
車理冤獄出重囚天遂雨民甚德之任赤城請豁浮糧尤
爲惠政旋調大名以勞卒官

循吏 林其茂 子喬蔭 澍蕃